



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二二三

弱水集二十二卷 屈復撰

一

蛻翁草堂文集二卷蛻翁詩集六卷 倪蛻撰

二八三

合存詩抄四卷詩餘合解一卷 淡亭思栢撰

五九三

序

有千古不一之世而有千古不一之人人與時之相錯而其所表見亦異尚論者特憑其所自表見則大抵不外乎文章而古遠言微感而遂通天下之思尤莫詩若也夫詩源性命而為流故聖人之教以先禮樂列於六經通乎政治樵夫牧豎可以同其興而蘇李莫能究其歸顧世多易言之余自壯角慷慨興

思一往而不知所屆恒自託於咏歌而不善其辭之達遇當時之以詩名聞者輒傾倒焉既歷其塗以閱其夷險窮詰屈披蒙翳蹶而起迷而復者不知其幾而向之所傾倒不覺悉去諸懷而冀幸心之一愜不可得矣夫辭不虛立意不徒行意不逮辭則嫫母艷飾辭不逮意則西子裸裎彼鸚鵡人言沐猴冠裳詎足以神應對而時趨踴也哉世有野鳥而

鳳鳴者人見以為鳳也則固未嘗見鳳而聆其聲耳未嘗見鳳而聆其聲則野鳥可鳳鳳可野鳥又孰為之辨其微乎戊戌之秋余再至京師或為余誦悔翁之詩亟訪之索讀其全稿而心無不愜迄今二十餘載而無所復移固知論詩於漢魏三唐以來不能捨是而有所取則矣觀其鎔鑄若李杜猶少有憾焉而世尤易視之悔翁楚系而家秦年二十五

東遊流寓於郟子之國歷齊魯吳越燕趙之郊數十年孤貧且老更滯跡薊門但有集若干卷充於行笥東阻海涯西望渭水關山夕陽憑弔何極而寂寞身後誰為歎歎而太息然非交遊之寡而知之者尠蓋自卿大夫以至閭巷之士亦皆稍知有悔翁而悔翁則固已如此易之者之知之同乎其所謂知耳擗捕一擲百萬冶遊一揮千金與窮愁著書冰

凝竄突者雖比屋不相為問源之所流者遠
性情與習尚之疎也然吾見有以單詞片語
見稱當世而煥耀一時者抑又何歟締綌不
可以冬陳而黑貂之裘以夏市又何咎乎然
則悔翁之有是集而欲梓之而傳之也不其
難哉辛酉秋忽有其同里茂才賀闇然克章
者館於萬全縣幕見其詩歎曰是集而或不
傳俾別有所待吾鄉其無人矣亟謀付剞劂

聞之者異之亦相與助其成焉於戲是集而
果傳也吾不知千百年後之讀其詩者果能
會其辭通其意以辨其微焉否乎然必有掩
卷太息以想見其人而歛歔曰是隆中之未
遇乎是黃石之長往乎胡為乎卒不達于當
時而終若此乎使其不然而為波濤于滄海
為風雲于寥廓何遺恨乎今茲若然悔翁亦
可以無恨矣悔翁固嘗一舉鴻詞而未之應

也夫豈可以窮愁為身世問亦惟想見其後
之人之有然以與之終古使悔翁而非窮愁
又安所得此於後人悔翁亦可以無恨矣
乾隆壬戌元夕長洲學弟馬堦序

弱水詩彙目錄

卷一 五言古詩一百一十首

卷二 五言古詩八十三首

卷三 五言古詩一百一十三首

卷四 七言古詩三十八首

卷五 七言古詩五十五首

卷六 五言律詩一百五十八首

卷七 五言律詩一百四十二首

卷八 五言律詩一百二十六首

卷九 七言律詩一百七十六首

目錄

卷十 七言律詩一百二十四首

卷十一 五言排律八十一首

卷十二 七言排律二十六首

卷十三 五言絕句一百七十一首

卷十四 七言絕句一百八十三首

卷十五 咏物詩六十九首

三言古一首 五言古十九首
七言古四十九首

卷十六 咏物五言律詩五十九首

卷十七 咏物七言律詩一百四十六首

卷十八 咏物七言律詩九十二首



卷十九 咏物五言絕句十八首 七言絕句三十三首

首

卷二十 一字題詩一百首

卷二十一 樂府體咏古詩七十八首

卷二十二 樂府郊廟家祀五祀歌謠銘贊共六十二首

共計詩二千二百一十七首

目錄

二

弱水集卷一 五言古

蒲城屈 復悔翁著

會孫 來泰志同錄

長洲馬 堦授嘯

同邑王 垣紫亭校

武陵陳長鎮宗五

評一受業 山陰章文禮飾文校

登堯山 七首

項囊哲人師甘羅使客星曰予一何爲愧彼二子齡堯
山三十里蹉跎猶未登晨興忽嚴駕荒蹊芳草生鳥弄
邨塢風山花表野歷懷新無愁鞍疾驅翠雲屏始至遂
忘疲若獲古人情佳氣開平原流烟嫋嫋青

朝嵐染晴霞射日化烟霧霏微溼我衣浪擁西南去鳴

弱水集

卷一 五言古

咽八水聲來入重泉樹適聆長者言下有漢唐墓

羣鴈翔且鳴飛過東北嶺靜言瞻所向回頭見圓景杲

杲無端倪遙灼茲山頂谷風與之俱吹我春服冷童僕

苟勤胸獨息陰崖影深林有恬翼間關坐相竝若挂寒

泉流可以臨箕穎

泉細甚

隨山成獨往適與初心愜回環無計程亭午猶未歇樵

子在何處樵歌聲林樾喧寂各有天交耳亦可悅沉吟

從中來愁因清境發幾樹野棠花今日清明節

游蜂飲花香逐春不知遠樵牧半就途復茲行緩緩綠

雲翠已深憩石風欲晚山光學水流歸鳥知林善歲陰

交空碧紆迴興不淺衆妍赴夕陽餘輝千萬變

反照明嶽蓮削成現微碧露生衆草青氣凝六合白想

當成周時豐鎬帝王宅吾邑昔赤縣茲山有登歷奈何

千載下名不垂竹帛鳥獸趨林鳴烟嵐黯無色遠望揖

三峯惠之以松柏

山月送人歸山情若欲留何以蒼山情西向崑崙遊五

城有琪樹花香十二樓實成無人採殊爲天下羞我欲

登其巔憑欄望九州非爲餌靈藥庶將澄濁流袖來瑤

池核歸種此山邱春花吐紅雨結茅花下頭永爲青岑

客香風吹不休

弱水集

卷一 五言古

二

漫泉

受性愛流水城西有清泉寂寂原埜塵霽霽葦葭烟

田數十頃入渭通舟楫蒹花近長安滌澗副留玩每至不欲

還宛在懷伊人一邑此潺湲有時飛爲雨清風吹遠天

良遊難屢得晝夜何涓涓

溫塘

在邑東四十里

青山既霽霽烟樹亦蒼蒼雪滿金粟堆融融流水長浴

沂仰道躅童冠偶相將本不願承蹕幸不近咸陽但期

泳鳧鷺安能游鳳凰梗稻夏彌綠桃李春自芳聊以全

吾潔天寒野花香

私懷八首并序

予八齡屬辭邑歲進士王公總謬許姻好桃花
春風雨小無嫌辛酉秋親迎有期而病逝嗚呼
予三歲喪母又鮮兄弟今十四矣君臣朋友之
遇合他日未可知惟此而已上有白頭父將合
而離殊傷親心詩若干首

題曰私懷明末成禮也

朝望秋夕來暮望秋風作秋風一夕生銀漢千里滿空
谷蕙蘭花未開忽已落斷石留閒園古槐蔭阿閣淚迴
向心流指對晨暄客每隨林下暮遂接堂上酌漏聲涼
漸永殘燈耿虛幕念我白髮親慘然疑作

白榆一何繁河漢界其間引領出空齋纖月下檐端心
推意不續只言秋未開汝勿怨殘缺三五露溥溥人生

弱水集

卷一 五言古

三

夏所甘風竹起長歎少小多憂思韶華永棄捐

憂來驅我去何處潯煩襟清晨古寺遊落葉自荒深
殿動寂冥稍稍生重陰私懷如萬鎖有聲無不沉去去
歸吾廬夕陽結寒音

長恨春風遠不如秋風近秋風今萬里秋雨復隱隱君
看搖落處野花香難盡

秋日照樞隙入我讀書窗青編滿四屋如聞苦菜香吳
綾貌孤鸞又書爲鴛鴦鴛鴦自有匹孤鸞本自雙
落葉搖寒烟西風動殘日殞宮在城南駕言乘夕出荒
徑殊首集宿草應涕淫將合而乖離無乃太倉卒

名花幾千枝鴛鴦三十六汾陽破陣歸半生香裏宿

夫貴特達所志在鴻鵠芙蓉未出簾陰符猶閉簾上有
白髮親神傷諒莫贖萬里激清風長嘯振空谷悠悠坐
山雲漫漫天西玉我思非所存露溥滿庭菊

秋菊開東籬芙蓉開池上皆言色與香脉脉心相向白
露溥溥飛青霜烈烈降誰令兩地花生死同相望

金粟堆

五峰翠欲流秋氣何蕭森中嶺疲已悔及顯生隱心下
有明皇墓荆棘荒且深感彼削平事中原竟陸沉雨吞
運欬危鶴鶴啼晝陰烈士多少年洛水吾知音

弱水集

卷一 五言古

四

郊行

芳春惜春陰城東宛如昨風交麥浪浮雨霽楊花落邨
犬吠儒衣夕鳥噪林薄永閒江海心天台採靈藥

興時鎮 在巴城西
二十里

烟火密萬家業楮以爲命皎潔雪霜明滑膩脂韋粒投
宿亦偶然月落雞犬靜各里盡憂虞茲里獨歡慶買客
通貨泉先王有善政道期海宇同聲無鄉曲應開門雪
作花迴風塵生甑却惜城中人冒寒走朝遲 吾縣共五
十四里里有長蘆社也

夜歸

飛星淡輕瀾遠浪明積雪幽逕澄歸心况見沒泉月觀
生卽浮雲出岫逢秋節路夕馬蹄疾霜寒蛩響咽清流
交浦烟衆響散林樾入門光未斜曉鐘坐來歇

送佩玉

拔我青萍劍斷此別離情悲歌亦瑣細慷慨送君行同
此少年日樽酒贈平生感時多風雨轉盼暮雲橫屏營
忽不見何處馬嘶聲

過姪孫守謙村塾不值門外聞生徒讀書聲立久
之乃去

兼葭影交風漫泉流如矢孤村半夕陽人還室何遍林

弱水集

卷一五言古

五

紅葉如花雲白山似水一鈞新月涼天在書聲裏

偶過北寺四首

古槐響寒音斜陽淡朱戶金碧落莓苔樓閣寂空宇城
中幾招提茲寺傳最古既見俗淳深亦占邑寒苦風葉
上人衣齋堂竄蒼鼠西北半開園八齡讀書處

幽禽驚客心啾啾繞樹飛連垣拂舊跡呼童啓荆扉汝
昔未巢時我先此下幃我年未弱冠人事每多違廢興
一悵望喧寂相因依

小逕秋草綠荒塢夕陽遲精舍半不存存者網蛛絲威
慨同研人雨散有餘悲月季亂著花空柳卧生枝沙磧

居人後猶是暮歸時

出門還入門古屋未傾墜返照明窗隙雪案留吟地遺
墨猶在壁師語足垂淚風前蝴蝶飛花下羣兒戲寬彼
獨嚴予此事今猶記二十不飛鳴三十難豫計新月挂
高城離離滿空翠嗚呼不能忘一言與北寺

知已之感

春夜讀書鄰人有歌南曲者

鴈唳帶星流鐘聲寂城闕暮烟桃李香清齋孤興發汎
覽穠苴篇魯論自怡悅孟酒聊獨進看劍擊玉玦快調
太史書輟耕奏已滅窗影人坐花清歌風度月突兀天
府空壯懷轉消歇秋泉自然響長笛共幽咽獨立湘簾

弱水集

卷一五言古

六

前洋洋飛白雪

就醫整屋縣曉發

慈烏出深樹欲出還復留人生有行邁高堂已白頭磅
礴南山道波瀾渭水舟在家尚眼申出門抱離愁大鵬
萬里飛男兒萬里侯長安向西去二曲寧遠遊含笑囑
早還點然淚暗流藥餌如有靈臘月歸故邱藥餌如無
靈不歸更何求數聲征馬嘶初日照高樓無事而別離
實爲人子尤

謁李子德大史

弱冠江海心寤寐天下士會合固有時咫尺聞三李

二曲

雪木子德時今日登斯堂山島疎而時長掛辭木天捧
謂關中三李李書轉色喜座上多衆賓移予近杖履天風吹琪花紛紛
落雙耳孝章雖忘年上感通家子大史自言與先伯盟兄弟投轄望
苦深昏夕坐不起霧豹兼雲鵬出處各有以愧無適俗
韻行將切仰止時西詩

長安

古來利名地依然利名塵朱纓疎輕轡三市鳴車輪秋
風白蕭瑟渭水自瀾淪四顧無相識百年傷我神漢高
有遺廟松柏摧爲薪步出城西門茫茫誰問津

盤屋道中

弱水集

卷一 五言古

七

在家苦愁思出門苦病軀二曲山水鄉適與素懷俱修
坂防尋雲流潦紆我途畏墮獨木梁田塍正沮洳同心
有三子劉伯容仲昭昆仲家佩玉姪孫野情轉于牧人荒草積遺粒
空田烏不愧瘦骨寒庶非名利驅

過貞賢里

嵐翠覆華宇門對終南山槐柳寒無葉亭亭出簷端中
有學道人辭榮卧邱園著錄名反身旌里名貞賢風揭
渭水冰雪迷玉女泉扶病風雪途行旅良險艱室還人
不還三過鄉閭前

二曲李先先生諱諤諤學門弟子三千人所著有反身錄常事表其間曰貞賢里歲丙寅年十九冰雪

中扶病晉謁尼止者一邑同聲子姪孫佩玉友人劉伯容先登龍門又退有後言竟廢然而返德修誘與訪而先生謂世是非真偽蓋棺論定年少齒亦存此識悔後有郭縣王澄川心教亦辭詔即二曲門人也

鄆縣道中同佩玉

湍湍溪水活洋洋紅日高百花香未發和氣適遊遨轉
盼生風雲連山湧波濤四體暗起栗飛霰集征袍豈無
陽春時尋芳採蘭臯但恨行役晚天地閉一朝人生有
何常令暖隨所遭心感平淮蔡路近左伯桃且當放情
志嚴寒何憚勞

送從姪敬止攜家之襄陽七首

弱水集

卷一 五言古

八

春風吹楊花漫天作雪飛送君向襄陽願君平安歸啼
鳥猶命侶芳草綠路衢宗族未能濟自顧非男兒今日
行城東明日行天隅初意今不從相勸立斯須
三秦五載飢富者日以貧貧者半溝壑生者饑兒孫吾
家祚衰薄十代爲清門富貴忽已過舊業少田園一冬
無雨雪旱魃又三春遠遊亦良策但恐行路難
路難良可慮八口越山川習池在何處千里正漫漫汝
水鳴咽流豫雉界其間男兒苦跋涉婦子多險艱此行
當四月雷電疾雲烟晴日猶困頓淒淒風雨天
風雨天難測米賤人所慕近聞半秦民盡下鄧汝去一

邑十萬家忽增十萬戶官有富弼賢米價能如故故鄉
空憂虞他鄉誰相顧清流費不鳴積雪冬無路斗米卽
百錢百錢來何處

鴈北而人南胡不作一行原野何蕭條攜手上高岡飛
白在腕下年命若朝霜日暮有行役付我理歸裝我方
二十餘君已六十強相見未有期後事豫難量

更進一樽酒飲君願勿餘大兒工制藝次兒富奇書丈
夫志四海豈必老一隅風雲生指顧何路非亨衢孤雲
尚羣遊走獸遙相呼古來裴行簡不知今有無

有無安可留留亦兩相誤紅日初出時函關起烟霧欲

弱水集

卷一 五言古

九

言無二三斜陽忽已暮襄水無停留行人有時住目瞻
仙掌雲月明峴山樹原野動悲風東西鳴孤兔一身獨
歸來全家向南去

古詩二十二首

開我芙蓉鏡挂在明月枝五岳忽飛來端生胸之陸我
家遷關中今已千載餘今夕一相照心緒不能辭役役
車馬音蕭蕭風雨時廢賞而逐跡何以接馳驛
聖人不嘗藥疾疾何由生聖人不造書此時猶結繩聖
人不征伐中原無戰爭二十一年空懷今古情
何處少梅花豈必霸陵雪徒令輕薄兒曉曉多口舌墮

背饑且寒古芳向來歇神倦意苦深流水自鳴咽寒香
何足貴性情本吳越

團團一株松纍纍幾片石淺刷得茯苓深刷得琥珀同
根而殊情他人復何益

四運多變易幽人守寂默草木如欲言嬌鳥鳴不息飲
博無賢愚酒肆有樂國歡呼在一時于秋非所惜枯魚
遊釜中有水豈安宅

去年終南花移向長安城綠葉發奇香五彩含殊榮至
今臺榭前百種無一成姓字老雲霞在山本無名道傍
馬蘭花日逐車輪行

弱水集

卷一 五言古

十

靈芝種不成惡草何蔥翠我從商南來慣識仙山氣穢
邪慙俗流未悟身如寄風霜有殊威雨露恩何易經年
守寂寥澗底見叢桂嗟爾蓬蒿才誰能測天地

結交莫恩多思多怨易深種樹莫種少種少不成陰東
家茅如山西家蒿百尋際會非偶然難爲來者心

西來咸陽道東到函谷關北臨黃河水南望大華山山
河一百二春色滿長安精神真不寓佳務非所歡異者
心未羣况復希衣冠韶華無留景正月生嚴寒歸來洗
孤清俯仰天地間

水雪娛青春閒情種蘭蕙呼龍耕白雲遣鶴鋪嵐翠不

測涼露心何求美人佩山川廣且遠過者成睚眦

種蘭人所忌何不種荆棘荆棘已多門過者皆辟易大道直如弦日月黑如漆我亦有羅裳安保不我刺

少年寡端居西上長安道朝渡渭水河暮登長陵眺清露易下來繁星出何早虎不避豪賢雀飛形蚬驕駑馬

駝黃金誰與爲歡好

我欲出函谷直至東海湄一笑擲千金古道成荒谿春風從東來吹我單裳衣莫聽雲間鴈聽此離下雞雞鳴報晨夕鴈向何處飛

白鵲修形容振羽濯清流黃鵠奮其翅大鵬萬里遊所

弱水集

卷一 五言古

十一

以老莊輩於物無所求目前清冷淵雙鯉吞金鈎古來尚子平達而未能周不知死者樂不見生者憂

吾鄉多猛士技擊無鷹鷂衆中叱荆卿勇在要離先一

言讐百刃風雷勢崩天江東八千人誰能差比肩黍稷

委場圃日月靜山川一虎當路衢萬夫皆逃遁幸未隸

征伐不覩心膽寒儒生不爲家窮巷淪青氈區區謝少

年意氣樽酒前

切切秋香枝欣欣桃杏時朝爲若耶女暮作吳宮妃如

花三千人皆被羅裳衣酒肉如邱山歌舞送春暉黃巾

百萬衆長安輕薄兒昨日洛陽宮化爲荆棘谿湯鼎無

酸春蠶無杼機越客千絲網今日結何爲

西北有貧女日日憑繡牀纖手壓金線迴針刺鳳皇羽翼分五色精彩四飛揚虞廷昔來儀岐山鳴朝陽淮陰惡少年何意欲傾箱媒妁朝成行白璧暮成雙含笑而長嘯空庭蘭蕙香

女兒不嫁時日日自言巧一夕登華輿鼓吹喧長道觀

者填路衢皆言新人好三月秉機杼三日入厨竈家中

諸兒女無衣腹難飽北風吹雨雪鞭扑復誰告珠玉媚

翁姑睢肝抗兄嫂叱雞啼向雲惡聲驚百鳥不記深閨

時飢寒泣昏曉

弱水集

卷一 五言古

十二

出我城西門漫泉泉上步時見綠楊鶯啼入高枝去清

溪獨往人桃花夢中路

城市有吾廬樹下一虛室夜雨不能寐惟聽鼠嚕唧跳

擲拂瑟琴作索情未畢嗟我架上書四壁無長物淅瀝

簾溜聲秋風資恣容義農去未遙仲尼懸日月尚際秦

皇焚何足挂齒舌我亦一少年愧乏張湯律

探梅霜橋邊川淑一樹無來不及春陽雪霜又何愁在

苦王景畧門風此橋頭江東尚可存魚水空悠悠斯人

已矣矣渭水東西流

當空匹練白九月甲子歲橫貫井鬼中直抵角亢次飄

飄隨光心翳翳諸賁氣一身際良時默然驗通會

具漢魏風格參以六朝俊雅又出已意不落陳陳相因套語

別草堂

抱我倉中主載我架上書右手提長劍左手攜金徽平生生長地此去恐長辭中門一回首竚立空斯須昔時植花竹左右多根株黃鵠歸飛雲鶴鶴寄一枝物性咸有托嗟我獨無依

別姊

荒雞鳴曉霜霜落風動時厨中新炊熟戶外班馬嘶須臾發日光慘淡如舒絲堂前跪吞聲自今與姊辭姊曰汝行決苦留亦奚爲汝家有病婦汝身無連枝哽咽聲不續抱頭但一哭

別病婦

行李發堂前還與病婦語病婦起踉蹌牽衣淚如雨萬里一身孤誰與郎交素貧病妾所甘莫向天涯去妾病垂十年那能保朝暮郎作封侯歸妾作青陵墓郎待妾骨寒從郎去與住男兒有肺肝何能老孀下叶死當長相思生當不相負一聲長歎息揮手不復顧

別隣人

隣人知我去提壺踵相接長揖臨前除酌酒復咄咄告

云積德門零落不及月少者方歎息老者已哽咽盡此孟中緣耶以壯行色自古有困厄努力企前哲長笑出柴門慷慨成遠別

別先君墓

黃河下崑崙有時成涸轍金人鑄威陽有時亦銷歇惟有父子恩生死無斷絕行役拜先墳嗚呼淚如血

家庭詩最難在全具至性非依傍者能道隻字

有懷

十五月團圓十六團圓月十七送君行蟾兔忽已缺二卜攬餘輝清空不可掇沉思放精志石橋度秋節淅淅

別水集

卷一 五言古

古

回溪風蕭蕭轉林葉道來竟不來光與水幽咽

友人招飲

麟鳳人所羨各有性與情飛馳亦分定性情隨所營五月南風來有酒香復清此酒飲三度浮雲百變更麟化趾與角鳳化苞與翎麟鳳既善化觸處來青蠅青蠅何爲者羣作麤麤聲赤日不沸湯東海不凝水富貴苟可求聖哲當分明五月南風來有酒香復清此酒飲三度浮雲百變更此酒聊相持浮雲安足矜

南澗中作在郢城馬陵山

南嶺與北嶺斬然分一岸青溪從東來蕩漾成深澗澗

深溪增波澗高山嵯峨溪盡山不盡隔嶺聽樵歌歌聲
落明霞散作澗上花採之不盈掬旋被白雲遮雲寒飛
不起半在龍潭裏涼風細細吹石上弄秋水水清見魚
遊無人解垂釣遂令空谷蘭香隨秋水流水流石崩摧
萬壑聲如雷驚起林中鳥飛去又飛回飛回向何處還
向青松樹我欲度松林露華滴前路

友人雨中過寓齋

夙齡爲時棄蓬根欲飄蕩道孤志彌敦君心獨相向衝
泥清且閒脫畧紛埃障斂翼兄奇懷卑棲善疎放久雨
聲細微虛懷發高唱匝月遘陰霖涇渭增暗漲浩浩長
弱水集

卷一 五言古

主

安遊予懷當益壯風息簷溜鳴雅意夕方暢

南樓雨望簡友

南樓無晝夜市喧山常靜啟窗臨西東豁達展靈境遶
茲淫雨時安識山河影君住高樓下我住高樓頂自倚
身居高形勝目易騁風靜夕烟深水騰朝霧迴城郭尚
參差變幻在俄頃簾垂簷溜明虛疑開斜景齊物理未
忒乃知難獨逞瞻矚且復然萬慮醉初醒

經黑石渡

李郭同舟處

落花下雲根參差古烟響神仙冷壯遊經過成幽賞曉
心分岸碧白雲當空漾遙遙幾陵岑乃聞遺鈞黨春露

散紅霞空山愁浩蕩氣概落天空精神青苔上志士每
懷悲達哉慨以慷

無端

春染流雲綠芳烟橫高樓蕭蕭征馬鳴浩浩佩吳鉤紅
塵蔽天地江湖萬里遊驛路逢歸人流離在嵩邱饑寒
尚無濟乃言千歲憂野田花亂開晚風冷於秋無端此
一身白日過人頭

史彌謝腕工於發端梅翁有焉

寒食

百花濡紅露羈魂愁未足芳草暗郊原城下語心曲咽
咽厨中聲平明麥飯熟病婦掃新塋荆榛向人轟古樹

卷一 五言古

主

弱水集
留夕陽燕歸誰之屋風霄柳絮飛荒墟漫新綠未知生
者榮但知死者辱死者長已矣額爲生者顧

宿白馬寺

在洛陽城東二十里

樓鳥上松花送客洛陽道招提景中人一夕紅顏老微
雨過蘭臺石室森如掃二十七年心長風散春草

辭葛篇

新安寄葛辭賦

六月以安容披裘上東門當畫鳥不飛炎天灼蘭蓀感
君傾蓋惠一葛哀王孫著來非不清所悲在寒暄霜雪
斷儼骨凍餒切煩寃珍重連城璧舉手謝高軒嗟我舊
衣裘零落不復存安得死道路庶反平生魂

六月六日作蕭邑是日祭掃如清明節

盛夏野草長遊子思故鄉春雨寒食後風俗繼蒸嘗孤身復行役戚戚增悲傷傷哉二尺土寂寞古道傍道傍白孤立號風吹野棠西隣栽松柏東隣刻虎羊所愧爲人子天地空昂藏承歡無菽水祭掃無酒漿生死兩未逮飄零天一方

日暮吞聲哭獨步陟北邙北邙多古塚蓬蓬蔓草荒殘碑橫無字誰酌酒一觴狐狸眠土窟童子牧牛羊暑氣生愁色感我苦哀傷有婦昔卧病未知存與亡有姊已從夫門戶非所當百年如轉燭冉冉凌飛光破產不爲弱水集

卷一 五言古

七

家古人安可望死者間幽明生者隔參商生死惟一身念之摧肝腸

立秋日

六月中白隱隱火欲流迅雷驚石破雨報關西秋新塋生多悲夜哭空山邱念子銅駝陌孤蓬背鄉國誰能嘆天公葛藟交相責霜露饒疾藜中有遊子跡行將生遠愁漫漫在今夕非空非色卽空卽色深入無靜三昧

哭從姪敬止

甲戌十二月姪孫瑞自蒲至洛云乃父於五月日捐館鹿邑時猶以不予見爲恨相持痛哭魂魄摧動東望哭之以詩鳴呼死者有知尚余鑒衷

日日望子歸萬不料子死一哀洛水昏嗚呼我負子六十非短齡家遠二千里回首函谷關想見漫泉水雖云老病軀大半懷桑梓辛未三月初攜家向南徙送出城東門囑我營歸計露酒芳草濃青霄低烟藥不知是死別尚作生人唯日月共照臨至今猶在耳書報襄陽居人傳鹿邑止朝聞行路難暮聞客况美傳聞多參差一驚還一喜我方欲東來大故忽臨邛微軀沉層水萬事皆歛屢今春破產東洛陽之行李誓將窮扶桑豈徒歌豐芭及作懷子詩夢子荆棘底不爲惡夢徵果兆摧蘭芷淚湧瀾洞渾雲斷悲風起古寺迷荒月三川結飛晷

弱水集

卷一 五言古

大

廿載締深交慷慨各自矢余年較仲孫余少將半紀子年昔較余幾幾長倍蓰分則叔姪然情則兄弟爾祖孫叔姪間忘分兼忘齒傷哉捐館時呼我猶不已歲寒諒不渝橘柚化爲枳往事宛如昨獨抱一諾恥豈無兄弟親而必疎可恃豈無宗族長而必少可倚全家半間闕病婦哀欲毀愛女天一涯弱孫繞及几子壯名未成道恨黃泉裏稜稜北邙雪杳杳梁園市洩雲雪寒空孤鳥下川汜舉聲遠招魂東望不成詠願魂返故鄉祖孫同杖履碑板劈窠書尚其圖刷剝靈柩在鹿城尚其圖終始北風吹落葉颼颼打窗紙燈燭閃殘光陰陰暗牀第

心赤跡如墨嗚呼我負子

古南池

浩蕩湖海遊慷慨每懷古任城得南池少陵昔遊處參
差紅藕花亭前落香雨當其客秦州艱難絕雜黍森木
清風來鳴蟬飲朝露市喧一以寂長吟倚亭杜城上太
白樓遙對烟中語

遊古歷亭

漢丹契秋色佳遊仰昔賢平湖帶高城孤亭方悄然遠
香浮水際李杜播瑤篇日華麗清淺雲影媚淪漣古人
下真士跡逐精爽傳餘輝朕未欲澄波淡重淵一馬竟

弱水集

卷一 五言古

十九

崔嵬長虹忽巨天至今飛鳥過啼血如杜鵑空中駐早
蓋回首鬱蒼烟西風蘆荻暮夕露泣哀蓮文舉既寂寞
元禮亦遙邈斯人復逝矣月明獨扣舷

傾蓋亭

神交無今古我來傾蓋亭下有衰草色上有暮雲橫一
時偶相值遂成千載名感彼滄桑事天地無際情夷蹠
雖白首終當隔平生冷風動遠樹寒烟落高冥九原如
可作黃鳥向人鳴

田園雜興 十九首

山水幽以潔沙田瘠可耕所獲諒儉嗇與沃壤青油

弱水集

油思膏澤欣欣春雨生瘠者有時厚沃者或不就土脈
既流轉天道善虧盈努力奮且鋤收茲一日成

禾黍日已長新穀行當有還視廩中儲尙餘二三斗家
貧無釀具聊以粟沽酒悠然成獨酌南山當戶牖燕子
營巢飛唧泥落吾手得失亦偶然胡爲絨其口

日出無賢愚勞生天地德野鳥去深林檐雀亦求食看
看桑葉青匆匆杏花白婦子蠶幾堰丈夫事未稷百藝
徇一身各用竭吾力

福性與麋鹿常恐山不深歸雲無留跡風去有遺音情
至興自適古者沮溺心

弱水集

卷一 五言古

十九

秋澇水沒穀春乾野無草耕種當乘時我犢腹不飽筋
力難猝實驅使易傾倒舉家中粟減之飯昏曉鳩鳴
高樹枝蟻封場邊道君看早晚間只恐風雨好

雨餘雲歇山風和鳥啼樹恬淡日邊光微蒞花上露獨
居無所營荷鋤南畝去瀑水流新聲濺珠散成澍合意
念眞源隨遇偶然住

處樂不敢極若貧何所戚屢空昔有人浩然媚佳日籬
落烟火生正隴麥秀實野老向我言牛羊皆好育惆悵
渺丁懷隔嶺山烟碧

杏花開到門桃李復爛熳欣欣齊向榮風水香平善開

懷墟落游歸時脫粟飯入山未爲深離居亦云遠佳興各有本觸處情自展

種豆豆不生種麥麥不熟幸餘分寸田勉種晚穀雨多耘日疎苗稀草易簇萬事皆等閒安敢憊僮僕今朝風日晴展書還復讀饑飽隨定分和平以養福

野塘雨後水東西南北流田夫紛浣浴鵝鴨或沉浮觀其任化遷聲意安可求吾亦濯吾足南風吹不休

租稅行將畢社錢尙多虞年稔豐一飽日在東南隅來者諒如此負暄聊自怡

日午禾欲焦鋤禾心體勞不惜心體勞天雲陰復消揮弱水集

卷一 五言古

三

汗可成雨安能潤枯苗一鋤償一粒其數多于毛迢迢餉饁婦隴上藉蓬蒿夫食婦相代相勸看詰朝

土溼熱益煩辭爵蒸我田既耘風又來溫溫蒸我肩豈不惜工作及時念飢寒良苗乘餘潤開茲隴畝顏抽新

感嘉穗勤苦力所歡荆榛亦儲薪茂豫巨陌阡日暮木下宿微涼生懷端

東穀朝登場新炊晚餐贍飽忘力作勞時得趨走性蟬鳴高樹顛人依高樹靜四海方宴然收穫旦夕竟置酒

會里閭願保永歡慶

少壯如秋風念之懷蕭瑟殘年從所務東鄰事稼穡遠

當收穫期場圃各有積祝難禾穗傍飯牛柴戶側農工非一端婦子更相直樵牧多遠謳茹蘆兼粒食嘉運相與諸吾願老可畢

起句

卽事詩書餘影響操耕稼用心有淺深田力不相借耨鋤貴適宜幽芥與情亞山果落風前蟋蟀鳴燈下辛勤淹浹晨牽率到半夜

茅茨隱荆榛天寒幾烟直乃知隔嶺村先有幽人宅我就與之言悅怡好顏色黍雞黿當門濁醪飲多力綿綿締新交鶯鶯宛舊識牛羊日暮歸兒女亦留客天縱邱壑情庭前視松柏

弱水集

卷一 五言古

三

冷禽棲檐樹密雲定不飛興來成獨往中途還自歸北風稜稜寒得此雪沾衣天地方寥闊生事安可違濁酒足斟酌牛火理寒威感茲歲云暮百務良亦稀

深山寒欲雪天地空濛濛牛羊尚在野隔嶺喚牧童歸來閉柴門婦子一室中聚乃知火力故卽知隆冬官府完租稅場圃畢農工談笑每終夕澹薄養微躬道路行役子蕭條西北風

田園詩不擬陶則於題不稱專擬不能變化又失之套故儲王以下皆能自出意思此十九首又與諸家中別具機軸無一相似者神妙不測如此

清明